



Broj: 11-33-6912-2/23
Zenica, 29.09.2023. godine

Na osnovu člana 13. stav 1. alineja 10. Zakona o zdravstvenoj zaštiti („Sl. novine FBiH“, broj: 46/10 i 75/13), člana 10. stav 1. tačka 5. Zakona o zaštiti stanovništva od zaraznih bolesti („Sl. novine FBiH“, broj: 29/05), u vezi sa članom 17. Zakona o kantonalnim ministarstvima i drugim tijelima uprave („Sl. novine Zeničko-dobojskog kantona“, broj: 10/15 i 8/22) ministrica Ministarstva zdravstva Zeničko-dobojskog kantona donosi

NAREDBU
o provođenju obavezne preventivne sistematske deratizacije
na području Zeničko-dobojskog kantona – jesenja faza 2023. godine

Obaveznu preventivnu sistematsku deratizaciju na području Zeničko-dobojskog kantona – proljetna faza 2023. godine provesti u periodu od 02.10.2023. godine do 01.12.2023. godine, u skladu sa Programom provođenja obavezne preventivne sistematske deratizacije na području Zeničko-dobojskog kantona u 2023. godini – jesenja faza (u daljem tekstu: Program).

Obaveznom preventivnom sistematskom deratizacijom će biti obuhvaćeni sljedeći objekti i površine:

1. javne i zelene površine u pojasu naselja sa koncentriranim stanovništvom (gradska i uskopojasna prigradska naselja),
2. obale površinskih vodotokova u gradskim i prigradskim zonama,
3. centralne zvanične deponije za odlaganje otpada,
4. nezvanična (neorganizovana) odlagališta otpada – smetljišta,
5. vaspitno-obrazovne ustanove i objekti (škole, obdaništa, fakulteti) i kulturni objekti sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostore za skladištenje i pripremu hrane, te pripadajuće površine),
6. kolektivni centri za smještaj i boravak izbjeglih i prognanih lica,
7. objekti kantonalnih javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesto odlaganja otpada, prostore za skladištenje i pripremu hrane, te pripadajuće površine),
8. objekti gradskih/općinskih javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostore za skladištenje i pripremu hrane, te pripadajuće površine),
9. kantonalne institucije i njihove ispostave sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostore za skladištenje i pripremu hrane, te pripadajuće površine),
10. gradske/općinske institucije i njihove ispostave sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostore za skladištenje i pripremu hrane, te pripadajuće površine)



11. individualne stambene objekte u privatnom vlasništvu u užim zonama gradskih naselja (obuhvatajući: podrume, tavane, dvorišta, mjesta odlaganja otpada i smetljarnike, garaže, te pripadajuće površine),
12. vjerski objekti i groblja u gradskim naseljima,
13. objekti za javno vodosnabdjevanje i kanalizaciona mreža sa šahtovima i izlivnim kolektorima,
14. objekti i površine svih fizičkih i pravnih lica koji obavljaju poslovnu djelatnost, (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostore za skladištenje i pripremu hrane, te pripadajuće površine),
15. objekti i sredstva javnog saobraćaja,
16. objekti za proizvodnju i promet živežnih namirnica i predmeta opće upotrebe sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostore za skladištenje i pripremu hrane, te pripadajuće površine),
17. objekti za pružanje usluga javne higijene,
18. zajednički prostori stambenih zgrada (podrumi, tavani, magacinski prostori, drvarnici, smetljarnici, dvorišta, garaže) i
19. šahtovi i energetski kanali toplovodnih, plinskih, električnih, telefonskih i drugih instalacija.

II

Općine/gradovi obavezni su za objekte i površine iz svoje nadležnosti (tačka I stav 2. tačka 1., 4., 8., 10. i 11.) u utvrđenom periodu, organizovati i provesti sistematsku deratizaciju na području općine/grada.

Kanton je obavezan za objekte i površine iz svoje nadležnosti (tačka I stav 2. tačka 2., 5., 6., 7., 9. i 12.) u utvrđenom periodu, organizovati i provesti sistematsku deratizaciju na području Kantona.

Pravna i fizička lica, vlasnici ili korisnici prostora i površina koje podliježu obaveznoj preventivnoj sistematskoj deratizaciji (tačka I stav 2. tačka 3., 13., 14., 15., 16., 17., 18. i 19.) obavezni su u utvrđenom periodu, organizovati i provesti sistematsku deratizaciju, angažujući ovlaštene izvođače iz člana 12. Pravilnika o uvjetima u pogledu stručne spreme zaposlenika, tehničke opremljenosti, prostorija i drugih uvjeta kojima moraju udovoljavati zdravstvene ustanove, privredna društva odnosno fizičke osobe – obrtnici za obavljanje dezinfekcije, dezinfekcije i deratizacije („Sl. novine FBiH“, broj: 30/16).

U skladu sa članom 4. Zakona o zaštiti stanovništva od zaraznih bolesti, ukoliko mjere obavezne preventivne deratizacije provode privredna društva odnosno fizička lica – obrtnici, obavljaju ih u skladu sa utvrđenim Programom i pod nadzorom higijensko-epidemiološke službe.

Dokaz o pruženoj usluzi deratizacije od strane izvođača (privredna društva odnosno fizička lica-obrtnici) je odgovarajuća potvrda i dokaz o angažovanom nadzoru higijensko-epidemiološke službe (kopija ugovora ili kopija potvrde o angažmanu nadležne higijensko-epidemiološke službe).

III

Deratizaciju je potrebno izvesti sa antikoagulantnim rodenticidima druge i treće grupe otrova visokog učinka u skladu sa Programom.

Sredstva koja će se koristiti (rodenticidi) moraju zadovoljiti sljedeće uvjete:

1. moraju biti u skladu sa Programom provođenja obavezne preventivne sistematske deratizacije na području Zeničko-dobojskog kantona u 2023. godini - jesenja faza,
2. gotovi preparati moraju zadovoljavati propisane standarde u pogledu koncentracije trovne mase, konstitucije preparata i drugih fizičkih i hemijskih karakteristika, te svi preparati moraju imati odgovarajuću dozvolu za upotrebu u BiH i sigurnosno tehničke listove,
3. rodenticidi moraju da imaju deklaraciju proizvođača i STL (sigurnosno-tehnički list).

Kantonalna/gradska/općinska sanitarna inspekcija će izvršiti kontrolu rodenticida, utvrditi količinu i vrstu rodenticida, a u toku izvođenja deratizacije vršiti stalan nadzor nad primjenom preparata.

IV

Pravilnikom o načinu obavljanja obavezne dezinfekcije, dezinfekcije i deratizacije („Sl. novine FBiH“, broj: 30/16) propisan je način provođenja obavezne preventivne deratizacije, te se izvođač u cjelosti mora pridržavati navedenog Pravilnika i snosi punu odgovornost za poduzimanje mjera kojima se štiti zdravlje stanovništva i okolina od onečišćenja, trovanja i nanošenja štete.

Izvođač mora imati odobrenje Federalnog ministarstva zdravstva koje uključuje upotrebu otrova II i III grupe i ispunjavati uvjete u pogledu stručnog kadra za obavljanje preventivne sistematske deratizacije propisane Pravilnikom o uslovima u pogledu stručne spremljenosti zaposlenika, tehničke opremljenosti, prostorija i drugih uslova kojima moraju udovoljavati zdravstvene ustanove, privredna društva odnosno obrtnici za obavljanje dezinfekcije, dezinfekcije i deratizacije („Sl. novine FBiH“, broj: 30/16).

V

Obavezna preventivna sistematska deratizacija - jesenja faza se ima provesti u skladu sa „Programom provođenja obavezne preventivne sistematske deratizacije na području Zeničko-dobojskog Kantona u 2023. godine - Kontrola uzročnika zaraznih oboljenja i njihovih prenosilaca“, koji je objavljen na službenoj web stranici Zeničko-dobojskog kantona www.zdk.ba (Ministarstvo zdravstva).

VI

Stručni nadzor nad provođenjem obavezne preventivne sistematske deratizacije, u skladu sa članom 12. stav 4. Pravilnika o načinu obavljanja obavezne dezinfekcije, dezinfekcije i deratizacije „Sl. novine FBiH“, broj: 30/16) provoditi će:

1. Higijensko-epidemiološka služba Instituta za zdravlje i sigurnost hrane Zenica, za objekte i površine iz kantonalne nadležnosti,
2. higijensko-epidemiološke službe domova zdravlja ili Higijensko-epidemiološka služba Instituta za zdravlje i sigurnost hrane Zenica, na osnovu zaključenih ugovora o stručnom nadzoru sa izvođačima deratizacije za objekte i prostore iz općinske/gradske nadležnosti, te nadležnosti pravnih i fizičkih lica, vlasnika ili korisnika prostora i površina koje podliježu obaveznoj preventivnoj sistematskoj deratizaciji.

Inspeksijski nadzor nad provođenjem obavezne preventivne sistematske deratizacije, u skladu sa članom 57. Zakona o zaštiti stanovništva od zaraznih bolesti, vršiti će kantonalna/gradska/općinska sanitarna inspekcija.

VII

Troškovi obavezne preventivne sistematske deratizacije, koji se odnose na površine i objekte iz tačke I stav 2. tačka 2., 5., 6., 7., 9. i 12. ove Naredbe, finansiraju se iz sredstava budžeta Zeničko-dobojskog kantona.

Troškovi obavezne preventivne sistematske deratizacije, koji se odnose na površine i objekte iz tačke I stav 2. tačka 1., 4., 8., 10. i 11. ove Naredbe, finansiraju se iz sredstava budžeta općine/grada.

Troškove obavezne preventivne sistematske deratizacije, koji se odnose na površine i objekte tačke I stav 2. tačka 3., 13., 14., 15., 16., 17., 18. i 19. ove Naredbe, snose subjekti koji su vlasnici ili posjednici površina i objekata.

VIII

Obavezi provođenja preventivne sistematske deratizacije podliježu svi subjekti naznačeni u ovoj Naredbi, u protivnom će biti sankcionisani u skladu sa važećim propisima.

IX

Zadužuju se Kantonalna uprava za inspekcijske poslove i gradske/općinske sanitarne inspekcije da u skladu sa svojim ovlaštenjima osiguraju inspekcijski nadzor nad provođenjem akcije preventivne sistematske deratizacije na području Kantona.



MINISTRICA
Tanja Radoš Kosić
dr Tanja Radoš Kosić

Dostavljeno:

- 1x Svim gradskim/općinskim načelnicima (putem e-mail),
- 1x Kantonalna uprava za inspekcijske poslove (putem e-mail),
- 1x Svim gradskim/općinskim sanitarnim inspekcijama (putem e-mail),
- 1x JU Institut za zdravlje i sigurnost hrane Zenica (putem e-mail),
- 1x Svim domovima zdravlja (putem e-mail),
- 1x a/a